

KABINET GENERALNOG DIREKTORA

Broj: 01-11-9-1725-17/20

Sarajevo, 28.04.2020.godine

Na osnovu člana 46. stav (2) Statuta, člana 70 Zakona o javnim nabavkama ("Službeni glasnik BiH" broj: 39/14), i člana 21. stav (6). Pravilnika o javnim nabavkama "JP BH POŠTA" d.o.o. Sarajevo i Odluke br. 01-11-9-1725-16/20 od 10.04.2020.godine u postupku javne nabavke lož ulja za loženje, Generalni direktor donosi:

ODLUKU

kojom se poništava Odluka o izboru najpovoljnijeg ponuđača ALMY d.o.o. Zenica broj: U.D.01-04-4818/20, od 23.03.2020. godine, a postupak vraća Komisiji za nabavku na ponovnu analizu dostavljenih ponuda.

Obrazloženje

Na osnovu Odluke o pokretanju postupka javne nabavke nabavke lož ulja za loženje, broj: U.D-01.4-1825/20, od 29.01.2020. godine i Rješenja Generalnog direktora o imenovanju Komisije za nabavku, broj: 01-26.5-1725-2/20, od 30.01.2020. godine, proveden je otvoreni postupak javne nabavke, objavljivanjem Objaveštenja o nabavci, broj: 238-1-1-72-3-25/20, od 06.02.2020. godine na Portalu javnih nabavki.

Dana, 05.03.2020. godine izvršeno je otvaranje ponuda, a dana 18.03.2020. godine provedena e-aukcija, nakon čega je donešena Odluka o izboru najpovoljnijeg ponuđača, broj: U.D-01-04-4818/20, od 23.03.2020. godine, a na prijedlog Komisije za nabavku (Zapisnik o ocjeni ponuda, broj: 07.4-11-9-1725-15/20, od 19.03.2020. godine).

Nakon dostavljanja Odluke o izboru najpovoljnijeg ponuđača, a poslije izvršenog uvida u ponude, ponuđač "HIFA –PETROL" d.o.o. Sarajevo, uputio je ugovornom organu žalbu na Odluku o izboru najpovoljnijeg ponuđača, broj: JN-1406/20, od 03.04.2020. (zaprimljenu na Protokol ugovornog organa 07.04.2020. godine) sa žabenim navodima kako slijedi:

Prvi žalbeni navod glasi :

1. Ponuđač „ČAVKUNOVIĆ-BP“ d.o.o. Bihac nije postupio u skladu sa zahtjevima tenderske dokumentacije, Aneks 3-Obrazac za cijenu ponude sa tehničkom specifikacijom. Naime, ponuđač je propustio da zaokruži na tri decimale jediničnu cijenu, ukupan iznos bez PDV-a, iznos PDV-a, ukupan iznos ponude sa PDV-om. Tenderskom dokumentacijom, Aneks 3 – Obrazac za cijenu ponude sa tehničkom specifikacijom, je u Napomeni, tačka 3, Ugovorni organ jasno precizirao i definisao način upisivanja cijena tj., jedinične cijene, ukupnog iznosa bez PDV-a i sa PDV-om, kao i iznos PDV-a tj., da su ponuđači obavezni svoje cijene zaokružiti na 3 (tri) decimalna mjesta. Dakle, jedinična cijena ponuđača nije ispravna. Obzirom da ponuđač nije postupio u skladu sa zahtjevima tenderske dokumentacije, a koje je propisao Ugovorni organ, njegova ponuda je trebala biti proglašena neprihvatljivom.

Drugi žalbeni navod glasi:

2. Ponuđač „ČAVKUNOVIĆ-BP“ d.o.o. Bihac nije postupio u skladu sa zahtjevima tenderske dokumentacije, a koji se odnose na ocjenu tehničke sposobnosti ponuđača, tačka 7.3.2. (b). Naime, ponuđač je dostavio samo Uvjerenje o usklađenosti tečnih naftnih goriva, ali ne i Izvještaj o ispitivanju kvaliteta goriva, koji je sastavni dio dokumenta Uvjerenja o usklađenosti kvaliteta tečnih naftnih goriva, od nadležne institucije „Inspekt –RGH“ d.o.o. Sarajevo. Obzirom da ponuđač nije ispunio sve uvjete tražene tenderskom dokumentacijom, njegova ponuda je trebala biti proglašena kao neprihvatljiva.



Treći žalbeni navod glasi:


3. Ponuđač „GREEN –OIL“ d.o.o. Sarajevo nije upisao tačan ukupan iznos, koji se dobije nakon što se pomnoži njegova jedinična cijena sa ukupnom količinom. Jedinična cijena ponuđača „GREEN –OIL“ d.o.o. Sarajevo iznosi 1,579 KM /L. Kada se jedinična cijena 1,579 KM /L pomnoži sa količinom 95.000 litara, dobije se ukupan iznos 150.005,00 KM bez PDV-a, a ne 149.910,00 KM bez PDV-a, kako je ponuđač upisao u Obrascu za cijenu ponude sa tehničkom specifikacijom – Aneks 3, tenderske dokumentacije. Obzirom da je bila održana e-aukcija, početna cijena ponuđača „GREEN – OIL“ d.o.o. Sarajevo na istoj je iznosila 149.910,00 KM bez PDV-a. Obaveza Ugovornog organa je bila da od ponuđača traži korekciju cijena, a Ugovorni organ je to propustio da učini.

Ugovorni organ, u skladu sa članom 100 stav 3 ZJN, je u cjelosti usvojio navedenu žalbu te donio Odluku o usvajanju žalbe br. 01-11-9-1725-16/20 od 10.04.2020.godine.

Shodno navedenoj Odluci o usvajanju žalbe a nakon pravosnažnosti iste, odlučeno je kao u dispozitivu ove odluke.

PRAVNA POUKA:

U skladu sa članom 101.stav 1 pod d) Zakona o javnim nabavkama, protiv ove Odluke se može uložiti žalba Uredu za razmatranje žalbi putem ugovornog organa u roku od 10 (deset) dana od dana prijema Odluke.

**GENERALNI DIREKTOR**

mr.sc. Mirsad Mujić

Dostaviti:

- Služba za pravne, kadrovske i opće poslove – Nosilac posla
- Služba marketinga (za objavu)
- Odjeljenju za javne nabavke
- ponuđačima putem komisije
- a/a

